

歐

北

集

甌北集卷二十一

起癸巳三月
至甲午一年

陽湖 趙翼 雲崧

歸田卽事

柴扉近俯綠楊灣
回首風塵此倦還
老境逼來將白髮
宦途盡處是青山
署門客散無投刺
退院僧高自掩關
只有夢魂難惹處

君恩猶未削朝班

先遣奴星報里門
高堂連日笑言溫
預催熨婢忙中饋
尙恐歸人又北轅
開甕正逢家釀熟
看囊猶有俸錢存
從今著就閒居賦
長採陔蘭奉鶴殮

豚栅雞棲一畝宮
呼來兒女脫青紅
憐他未慣蓬茅宅

笑我原來田舍翁。塵尾可揮非祖物。菜根須咬趙童蒙。
短檠燈火長鑿柄。閒與諸雛話舊風。

少日曾貪面百城。而今萬卷送浮生。一身去職如花落。
兩眼觀書尙月明。鴻爪春泥思往跡。馬蹄秋水得閒情。
天留老筆非無用。要與熙朝寫太平。

新葺茅廬在水南。擬栽修竹翠毵毵。持齋怕入遠公社。
習靜便同彌勒龕。詩就多兼唐小說。客來與作晉清談。
所慚懶廢無才思。輸與山陰老學庵。

幽棲敢便托鴻冥。閒裏工夫也不停。官罷已無分鶴俸。
村居須講相牛經。荷鋤老圃栽瓜蔓。採藥深山刷茯苓。
程課忙來翻一笑。何如案牘舊勞形。

卽事

出門廿五年故鄉如異域中間偶一歸曾未突點墨今
來循里社觸緒多愴惻言尋釣遊處門巷或改易沿溪
成圍樹是我所手植舊時同輩人見面了不識別後所
生者翻可以意測昔見某少時顏狀宛可憶肖者必其
子十果八九得笑比丁令威化鶴遊故國又如爛柯樵
歸已時世隔卽事一撫然感此日易景觀河性空在老
慨波斯匿安得碎穀方長保髻邊黑

虎邱絕句

山塘春早水微波日日香風送綺羅不是遊人看出到
此山最是閱人多

犄角閭門地必爭淮張曾此別屯兵眼前一片鶯花路

蒸土誰知舊築城

淮張時曾築城於虎邱見王賓所錄虎邱詩集

捨宅王珣築梵宮千年變作綺羅叢笑他佛也風流甚
身在烟花不斷中

花到寒梅第一流絕無顏色自清幽而今也帶胭脂氣
綠萼紅苞滿虎邱

欲訪芳祠跡已消小姑賢曲久寥寥棠梨花下真娘墓
多少游人把酒澆

元人宋聚有小姑賢詩自註虎邱尚地名有姑欲逐其婦以小姑諫而止鄰人祀之於此

信是銷金別有窩千人石畔酒樓冬四更纔滅紅燈火
曉鳥啼時客又過

舊曲翻新菊部頭動人歌段出蘇州近來新曲仍嫌舊

又把元人曲子謳

暮鳥啼處客歸遲
畫舫前頭月似眉
殘醉倚舷簾半捲
家家水閣上燈時

綺閣珠簾裏
四邊盡將人巧襯
天然老夫脚底山
千萬不信莊嚴在一卷

虎邱寺玉蘭樹歌

蒼山變作白頭坐
訝許夜來春雪大
豈知中有逆風香
一樹琪花開萬个
槎枒老榦老不死
幻出蛟虬半空卧
枝多獨樹自成林
不藉旁株蔚相佐
千霄欲鬪星榆高
拔地應嗤澗松挫
千步長廊圍不住
攬出簷頭勢掀簸
幸渠占天不占地
不然將塞古寺破
是時花光正爛熳

瓊盞銀盤炫奇貨似入藥珠宮幾重豈移羣玉峯一座
素華迥耀滿山朗落英堪飮萬夫餓根定干人石盡蟠
芬真七里塘俱播有時一朶忽吹下大過瑤杯兩三箇
翻疑列真此開筵玉屑霏成九天唾十丈蓮漫昌黎誇
千年桃枉方朔賀噫嘻乎世間縱有豫章材多在深崖
路坎珂茲獨生長人海中萬古能逃斧斤剝得非身本
紫玉魂常有百靈爲遮避闕盡遊人珠翠粧伴他老衲
鐘魚課我來摩挲特矜寵捫筆題詩少人和笑比岳陽
老樹精可識回仙朗吟過

天平山謁范文正公祠

森森萬笏石參天丙舍千秋傍
廡阡遺像何嫌窳塞主

崇祠猶祭義莊田栢如葛相堂葱鬱路與斬王墓接連
不獨子孫來下拜遊人誰不辨香燃

端笏垂紳河岳姿名賢氣象儼留貽甲兵胸捍三秦警
蠶粥腸思四海飢植黨浮言當日論活人素志至今知
多慚我已忘憂樂敢漫高談濟世期

韓斬王墓

麒麟高塚占雲墟異姓眞王百戰餘勲業未來先卧虎
英雄老去亦騎驢葬應秘器蒙分賜績尙豐碑表特書
宋待功臣原不薄棲霞何事獨誅鋤

謂岳忠武

館娃宮

湖光山色一憑欄想見朝朝暮暮歡此地春常留屣響

有人夜正臥薪寒
嚼成珠玉香猶濕
舞破山河髻未殘
恩受吳宮功在越
可憐啼笑兩俱難

題倬其亾室盛孺人遺照

長齋繡佛禮香臺
不染牟尼示現迴
談笑未終端坐逝

始知慧業自西來

孺人無疾坐逝

欲識持門健婦賢
倬亾騎省淚潸然
自言未作鰥魚目
不問蠶鹽數十年

晤杏川老友

少小相隨共論文
歸田重見倍情殷
人添白髮身還健
業在青箱課益勤
再世傳薪期後輩
幾家宿草感同羣

謂曰翠延宜 祇應老友如園竹
一日不安一報聞

喜莊位乾明經過訪

款門喜接地行仙步履來過不坐船學問深於五經內
容顏壯似廿年前酒推大戶杯吞浪文到成家筆湧泉
曾仰斷輪叨合轍敢徒體貌禮華顛

偶得九首

虺蛇啖蠹黽蜘蛛飽蠓蟻弱肉強之食理本天所設厥
初生民時卽茹毛飲血股物以養人固非甚作孽要之
物類中等差亦有別雞豚待人養故可常饌列生之斯
殺之義足相準折其他飛走倫彼自長自茁亦何與人
事而必供餽啜是以王政垂立制寓樽節從禽網或開
取魚澤不竭

才士矜聰明動稱過古人古人去渺矣豈今可等倫試
觀六籍垂解者何紛綸一字千萬言猶未得其真當時
無註脚卽以詔愚民家喻而戶曉毋煩訓諄諄可知古
鈍質已勝今慧因如何偶一得輒誇叛獲新

徐福旣入海一去不復還或言歸懼誅逗遛山島間豈
知乃大猾祖龍障其奸巧挾萬乘勢挑盡諸嬖媚三千
童男女齊上蓬萊船儲酒數萬石支糧幾十年得地可
自王身爲虬髯先否則恣歌舞溫柔鄉老焉義之以樂
死勝於古裔佞舉手謝秦皇福已真登仙

揚城南有江淮城北有河中間三百里相距路不多胡
爲隆冬候江濤仍盪摩河則結層冰上可重馬過豈此

咫尺內寒燠頓殊科殆各視其源如核所發柯黃河出
西北巖陰積旋渦江自西南來得氣差道和派別流自
異一冰一揚波可以觀物理本性有不磨

他人妻有色詈我我則嘆及其爲我妻惟恐不嘗人由
來爾我問人心最不均在彼操不潔在此節豈真所以
韓通死宋祖稱忠臣當時殺通者廢之終其身淮張有
降將明祖初見親賞其納土功迎以鼓樂新正其負主
罪霜刀白如銀以此示風厲猶慮名義淪何哉不義侯
叛奴得邀恩侯也而不義豈可訓萬民

杜陵厦萬間白傅裘萬丈後人讀其詩肅然起敬仰謂
雖一身窮不忘天下想吾觀拾遺老身世困搶攘固無

借手處爲民籌教養香山歷官多所至文酒賞未聞康
濟畧政績著天壤區區浚六井小惠亦未廣詩人好大
言考行或多爽士須儲實用乃爲世所仗不可無此志
隔膜視痛癢不可徒此言虛名竊標榜

放翁一代才落筆見瑰異從軍陝蜀間不忘恢復志如
何一着錯輕作南園記後村劉潛夫學殖最淵懿彈劾
史嵩之鯁直無所避晚爲賈相出亦遂滋物議二公著
述材身擅不朽事豈藉權貴力推挽助聲氣然此事後
觀當時見則未顯赫在目前未免艷榮利不覺一念移
遂爲終身累始知勢要場自守良不易內重外乃輕此
際須道義

項羽殺義帝爲漢藉口資縞素豈本懷興兵乃有辭明
祖初起事實奉韓林兒紀年用龍鳳載在世德碑自將
救安豐并劾勤王馳後將自稱帝亦浮以鳴夷同此冒
不韙竟少問罪師豈繫幸不幸遲早蓋有時一在敵方
樹適足招義旗一在敵旣殄惟我所欲爲所以慕容語
名理最可思取果於自落美於摘青枝

士生搶攘際托足貴審詳僞鄭軍雄信挺槩追秦王僞
漢張定邊直犯明祖航彼皆萬人敵瞋目莫敢當使其
事真主戮力塵疆場功豈後褒鄂各應竝徐常惜哉失
所依草賊同陸梁吾欽耿伯昭王郎勢方張獨堅勒所
部傾心奉南陽吾愛趙順平一見識樓桑瓚紹皆不就

奮身從危亡各成佐命勲
姓氏日月光良鳥能擇木
固異雀處堂所以聖賢指
欲集先廻翔

庭前雜咏

衰醜形容只自羞
老來宋玉豈風流
鄰家新竹過牆出

似爲窺人露一頭

鄰竹

草花低亞樹花高
各自相安氣不驕
偏是陵苕軟無力

附他喬木號凌霄

凌霄花

過史翼宸明經故居

少年此地一經橫
賓主流連最有情
老再來時惟後輩
舊曾遊處似前生
山邱華屋徒增感
書畫青門尚繼聲
也比西州門外路
經過不覺淚如傾

五日郡城觀競渡

蒲酒鵬初泛榴花火欲燃歲華當夏五戲事到秋千珠翠中流舫笙歌徹夜筵歸山吾過分正及屢豐年

爲錢暉川孝廉題所藏令兄茶山司寇畫卷係臨王麓臺筆麓臺則彷彿元季四大家者也

國朝繪事擅山水前有麓臺後茶山麓臺得元四家法曾合衆長寫青屏茶山仿之作此卷儼直偶趨西清閒枯毫焦墨妙遊戲著色不用淺絳斑麻皮皴紋礬頭石

清河書畫坊論子久畫

一重一掩相迴環有時健筆力扛鼎忽然嵐霏

雲氣澹入無痕間

雲林題叔明畫王侯筆力能扛鼎又題仲圭畫嵐霏雲氣澹無痕

微茫雅宜山

前景遠人無目水不灣

雅宜山圖倪瓚作見顧元慶雲林道事

披圖恍見癡黃迂

倪輩盡入一手超荆關我聞數子俱自北苑出又各分
畦闢阡陌同源雖可滙衆流異曲詎能吹一律未聞環
肥燕瘦態各殊可合老子韓非傳爲一何哉此圖信手
披橫斜蒼茫滿紙生雲霞當其運古入化處難辨某筆
爲某家按之各家復悉備如奏琴筑箏琵琶是惟鑪鞴
早已鎔衆妙一氣噴薄流精華釀花成蜜花不見蜜中
滴滴自有諸種花圃成持贈惠連弟風雅一堂見深契
印香槃篆壽子由此事東坡有成例我亦當年辱素知
論文樽酒開心期每當意得筌蹄外超詣不減無聲詩
卽今一別淚如雨其人與畫俱成古錦贖橫展重摩挲
猶覺揮豪勢飛舞增君夜雨懷對牀感我晨星憶談麈

題罷還君好什襲莫共麓臺長卷徒炫名畫譜

哭璞函之詩

幕府曾推借箸長驚傳復矢蜀山蒼纔欣薄宦遷華省

復官後以積勞

恩擢部曹

何意書生死戰場劍閣更誰文勒石玉門祇

有夢還鄉可憐前夜相思處猶擬他年話對牀

磨盾滇南墨未乾岷峨西上又千盤懸望眼長安近
欲返遺骸蜀道難灑血隻身衝矢石招魂萬里葬衣冠
傷心馬革都無分留與烏鴛豕肉殘

烏撒城邊惜別晨隣疆頻喜接音塵偶翻書札猶前日
忽憶鬚眉已古人迢遞何年尋宿草馳驅到死作勞薪
遊魂血污空山裏知化猿身化鶴身

郵典還聞慰九泉懸崖撒手好超然死因殉國名逾烈
詩已成家世共傳地近耆闈堪證佛身經兵解或登仙
達觀何限全軀者等在人間數十年

消夏絕句

草笠櫻鞵白葛裙漁樵席上每同羣勞他里老誇相識
猶自來呼舊使君

兩板衝門暇日多虛牕閒製小詩哦唐音宋調俱無用
自有田家擊壤歌

蔬筍常慚踏菜羊村居奉母少嘉嘗擊鮮忽漫設家宴
釣得鯉魚尺半長

消磨長日仗丹鉛常苦巾箱少逸篇解事童奴傳好語

門前新到賣書船

飽食真無所用心
自嚴程課惜分陰
百錢買得芝蔴鑑
閒與兒曹說古今

曉拖竹杖看田禾
極目平疇似綠莎
爲愛稻香凝立久
草蟲跳上葛衫多

鰾子彎彎去採蓮
柳陰深處恣迴沿
蜻蜓忽集矮蓬上
大似倦飛來趁船

浴罷東臯看月明
夜涼風露寂無聲
豆棚花下流螢滿
自笑歸田尙火城

萬壽節同在籍官
艤舟亭行禮

又把簪裾裹釣翁
鳧趨仍似禁廷中
朝班恰隸三元

會祠祿思兼萬壽宮

宋有萬壽宮使
爲教仕者兼官

駐輦

天留成咫尺懸車人倦路西東獨慚廿載承

恩久報答惟餘祝華嵩

接顧北墅書却寄

握別京華十載餘忽承芳訊到吾廬
閒身俱作歸林鳥
往跡曾爲逐隊魚
素壁雲烟供潑墨

君工繪事

名山風雨護藏

書江南江北無多路何日相過慰索居

射雉城東別業偏一編晏坐正超然
門高處士談經座
家有先人負郭田
載酒生徒揚子宅
焚香書畫米家船
從知水繪園荒後
又續名流韻事傳

聞王協和總戎之訃

裹革原初志驚聞折將旗虎飛曾食肉豹死亦留皮殺
賊崑應磔臨戎甲不披可憐分手日本不問歸期

郡城好事者於陳司徒忠佑廟旁隙地構都城隍
行廟一區甚壯麗相傳神卽于忠肅公也詩以
落成

傳芭伐鼓共迎神武烈祠旁別廟新喧客莫嫌幾奪主
蓋天功本過前人

神仙班亦論功多封秩城隍恐是訛屈宋衙官殊未稱
韓擒虎已作閻羅

開府旌旗駐雒嵩何由此地社纔公始知正氣無分界
都在忠驅義感中

兵解何心俎豆馨崇祠爭酌尾箕靈笑他金齒歸來客
誰向吳閩祭將星

曾向夫人借眼光

公被戮後夫人夢公借眼光
夫人目蓬首見堯山堂外紀

欲追遺像費徬徨

殷勤說與劉鑿塑憂國年深髯有霜

河岳英靈耿不消照人魂魄到深宵
饗神父老爭歡喜不向西湖乞夢遙

遙識驂鸞謁玉皇九關莫敢索行裝
生平素手朝天慣

不帶蕨菇與線香

手前蕨菇共線香本資民用反爲然一雙素手朝天
天去免被旁人說短長公入觀詩也見七修類稿

彌勒同龕跡比清勞他割地起軒楹
無人爲捨玉珣宅却累司徒作邱成

買得魚塘三十畝在陽湖之旁
將巖草堂爲終老

計詩以張之

措大誇豪舉，傾囊買碧流。地堪營蠹舍，吾欲老菟裘。補屋牽蘿密，爲樊折柳柔。漣漪三十畝，氣已壓滄洲。

同徐秋園劉敬輿諸人再遊艤舟亭

坐隱渾忘節物移，秋光又到木樵時。閒隨謝客登山屐，來訪蘇公洗硯池。東坡洗硯池舊在顯堦橋近年移此不佛不仙人，漸老無花

無酒我何之。此間頗有林泉勝，買醉何辭倒接羅。

楚楚林亭倚水灣，近游頻此叩禪關。坐來丈室思初地，踏盡千峯愛假山。人喜阮生青眼對，天教江令黑頭還。茶瓜不覺流連久，夕照斜烘榭葉斑。

題陳某籠鷺小照

柳陰池館午風清，養得泉禽翫物情。
笑我麻茶雙眼暗，誤疑陽羨一書生。

知君雅愛臨池學，舒雁攜來舞藥欄。
莫羨籠鶯作佳話，

琅琊自有鴨頭丸。

王大令有鴨頭丸帖

冬夜不寐偶作

村鼓聲中夜獨醒，短檠殘燄尙青熒。
閒參白足禪三昧，靜養丹田火一星。
梅蘂香初浮紙帳，菊花寒未凍銅瓶。
此時清味誰窺得，剩有寥天月滿庭。

漁塘卽事

腐儒昧生計，貧薄天所與。
囊餘幾文錢，便思作豪舉。
百千買廢壤，蒼然在平楚。
曲池五百弓，周圍作疆圉。
中有

廿畝地幽僻似蘭渚於焉結茅屋綠陰就老楮種竹竹
能笑蔣花花欲語便作佚老堂此福天已許

古來園林勝更僕難具陳長安杜韋曲洛陽灑澗濱干
重嶺迴複百頃波澗淪語鳥隴右物名花日南春締構
窮土木亭榭相爭新我今手掌地編籬插棘薪三枝兩
枝花一寸二寸鱗以之號別墅毋乃笑殺人庸知達者
觀淙澗理則均維摩方丈室大五百由旬

平泉醒酒石旋落監軍手午橋綠野堂後爲張相有堪
笑甌北生辛勤種花柳似立不拔基欲以傳永久將毋
愚公愚貽笑河曲叟勸君且勿笑意固各有取藉此塵
外緣庶以消白首達人遊秉燭智士歌擊缶行樂貴目

前亦遑恤其後君看百年內何物能世守

羨魚始濬池思筍方種竹用力良已勞母乃慚拙速然而未失計吾髯尙不禿及此勤所儲日至會皆熟君看三年後樂事紛滿目梢雲竹森森跳波魚育育匪特快遊覽兼以供口腹種漆憶樊侯閒翻漢書讀

昔官西南陲到處衆山繞蔽遮碍曠望恨不盡剷了今歸江南村又苦乏烟鳥欲營十丈岡計費百金造迴思黔粵境巖岫知多少倘割一角來已足雄江表安得煩神鞭驅石落吾沼一笑姑妄言人情例顛倒存山嫌山多無山覺山好何如卽眼前俯仰豁懷抱古樹陰蕭森曲池波滢森奚必占邱壑方可以娛老

成都葛武侯曾植八百桑畏吾廉孟子亦築萬柳堂我
生二公後何一可較長乃於老圃中也復羅青蒼種桑
四百株栽柳三千椿物是人則非母乃不自量伊余豈
慕古妄冀附末光維桑可禦寒維柳可納涼暑坐綠陰
下跪地垂絲韁及冬已挾纊不愁凍欲僵寒燠各有資
此亦經濟方濟物則已矣聊保身其康

春從何處來頃刻動土脈勾者忽已萌甲者忽已拆一
夜一改觀昨寸今則尺生機怒長處速於馬馳驛或葉
而尖圓或花而紅白雕鏤誰施功渲染誰著色乃知化
工妙一氣所旁魄却憶數十年在爲庶事役日在天地
內不識造化迹今始得靜觀一一矜創獲人老俗緣謝

心閒物理格茅齋小牕明晏坐將讀易

漫興

一歸荏苒兩經春
爾識田園氣味真
詩酒漸爲終老計
江湖高卧太平人
編籬棘護貓頭筍
抱甕泉澆雉尾尊
也有閒中晨夕課
此身原是一勞薪

村居酬應少鳴珂長日閒
門雀可羅座有漁樵爭席地
家傳孝弟力田科
老來甘作冬烘客
醒後何煩春夢婆
猶有壯心無處耗
付他萬卷去消磨

書齋卽事

醉鄉佳境更誰如
自笑頭銜得美除
纔去一官無職守

又充麴部老尙書

酒

老去通宵少睡時，每憑書帙引眠遲。
笑添侍寢千黃妳，不數韓家來夢兒。
書

送倬其之官萬安

十年通籍未專城，今日纔看綰綬行。
書卷味深知政美，江山景好稱官清。
三千牘尙懸才望，十八灘初記宦程。
十八灘卽在萬安境會見下車儒術展，獨將經濟重科名。

黑頭兄弟兩華顛，我已收韁爾著鞭。
老漸關心兒女計，貧難撒手簿書緣。
路長惟祝能強飯，官好無如不愛錢。
勉効循良書上考，歸來同泛釣魚船。

過故友村居

一櫂重來訪故交，依稀何處認門敲。
村貧賣樹茅簷露，

不見墻西老鶴巢

戲爲疊字體寄邵耐亭

憶昔與君初結交，倏直薇垣情最密。地豈頭廳隔二廳，
班非隻日間雙日。每尋伯雅季雅酣，共訪大酉小酉逸。
今雨不來舊雨來，朝霞不出暮霞出。西晉東晉辨書法，
初唐晚唐究詩律。消寒欲過燕九九，催花擬喚殷七七。
人笑負歷趨叩叩，我比連珠綴瑟瑟。無端居者送行者，
君也掉頭歸著述。北戶之北南斗南，我獨揮鞭馭馮叱。
柳柳州所謫居地，文文山昔戰敗駟山號。鴉飛飛不到，
峯名鬼哭哭無歇。龍苗狗苗狀可嘆，烏蠻白蠻語難詰。
騎驢甚或覓驢忙，得馬又疑失馬吉。水僻漂蓬土偶嘲。

越人瘠豈秦人恤此時君正北牕卧名花滿庭書滿室
在家人作出家僧一頃田栽半頃秫右挂右丞畫一幅
左列左司詩數帙句尋無味味更佳書以不解解而悉
逃禪非想入非非談藝乙端拙乙乙亦元亦史亦風騷

屐不衫不巾櫛笑我山上又山多長在夢中把夢說
如今我也返江村與君相近肯相失擬泛長亭短亭舟
來從上山下山屐某邱某水同釣遊誰主誰賓旅肴核
本無翻手覆手嫌何須白眼青眼別公是公非訂弟兄
徐行疾行攜子姪興酣百罰酒百杯賦就一字縑一匹
留與江鄉作佳話二老風流會真率

行園

卅畝池中廿畝田雅宜安放一華顛英雄晚節惟鋤菜
道學閒情亦愛蓮談藝不妨門外漢尋芳或此地行仙
得消清福談何易慚愧天公厚我偏

幽尋

幽尋不知疲意行度遙陌昔游所未經數折地愈僻忽
至野水岸路斷行跡絕欲問空無人一鷺草邊白

晨起

爲貪清氣吸曉坐柳陰中草露濃於雨池波澹不風豆
肥牛踏碧豆稻熟雁來紅稻名此福誰消得知應屬退翁

哭座主觀總憲補亭先生

台星驚看落高旻十載蓬瀛領袖人烏府風清稀諫草

青宮課靜有傳薪

公爲
皇子師

班聯身退初扶杖壇坵文高老

斲輪曾忝後堂絲竹列能無哭寢淚沾巾

名卿雅度更誰如寵辱頻經綽有餘三已官仍無愠色

一分屋另有幽居

公會旁
構小閣

烏絲寫帖臨前輩卸砌栽花課

小胥此段風流入青史也應不減宋尙書

總持風雅量兼收河海由來納衆流道廣幾爲陳寔累
名高爭御李膺游情於說士甘如肉身爲推賢讓出頭
此後孤寒更誰恃秋風多少客無裘

茅舍爲大雨所漏

結廬貪賤蓋茅稀驟雨都從坼處飛倉猝一層添不及
屋中翻着綠蓑衣

種筍

種樹苦難長變計思種竹移來三丈高頃刻滿庭綠豈
知枝葉繁被搖風肅肅陳根與新土齟齬氣不睦數日
報平安一旦憂老禿扣囊得竒智莫如種筍速寸萌自
孤抽不受狂飈觸及夫枝葉茂根已生意足果然兩月
餘清陰罩書屋一任吹多少楊妃故有肉握苗力空助
嫁杏呪可祝自笑一得愚居然參化育

東黃月山文學

里社交知半在亡歸然獨見魯靈光詩文確有先民法
游射能言大父行老眼燈昏猶作字飢腸厨冷欲休糧
晨星吾敢輕前輩莫惜頻頻過草堂

莊似撰在過草堂有詩投贈依韻奉答三首

可是山陰訪戴舟足音驚破草堂幽客來涼露蒹葭水
家住寒烟橘柚秋別緒忍辭連夕話聯吟已屬隔年游

去春同作
姑蘇之游

却將出處頻商確又向尊前動暮愁

君秋試報罷
將就丞尉職

浪跡真如未泊舟那能高卧北窻幽嫁衣待字知何且
團扇承恩及未秋空負翱翔千仞志漸收汗漫九垓游
衙官屈宋終非據君或空言我已愁

道人心久似虛舟貪住江村景物幽退鷁力難搏萬里
雕蟲技敢望千秋前身漫比王摩詰晚節惟思馬少游
安得辦裝錢百萬招君借隱慰離愁

彭芸楣閣學留飲澄江使院卽席奉呈

握別京華近十年音塵南北兩迢然故人曳履星辰上
老友摳衣檠戟前詩社舊慚非敵手

襄在都與公爲詩社

朝班敢更

想隨肩感公意氣還如昨爲我差排軟脚筵

特達知深秩屢加崇資敬歷總清華禁中詩句稱才子

江左文章奉大家刊出曹碑絲有色織成唐帖錦如霞

時以所撰曹竹虛南昌試院增學舍碑及進呈萬福集成讚見前讚則取石軍碑後序中字集成者也

天生黼黻鴻猷手共

仰榮光炳斗車

使院重來掛講堂依然古桂鬱蒼蒼少曾選佛初禪地

老覺驚心舊戰場

余於乙丑試此補諸生至不幾三十年矣

退筆無花開藝苑緯蕭

有屋傍漁莊夔龍事業諸公在剩許江湖放我狂

寒夜有懷

聯牀樽酒記論文存歿關心感夜分風雨雞聲餘斷夢
江湖鴈影惜離羣故人名已歸青史退士踪多仕白雲
俯仰此身何所托一燈寒照二毛紛

甌北集卷二十一

起乙未正
月盡一年

陽湖 趙翼 耘菘

乙未新春試筆

江天高卧太平時，又見東風試柳絲。
病酒漸稀無事飲，惜花還作有情癡。
交游久絕公卿信，講貫重爲子弟師。
早有奚僮來報喜，魚塘新漲碧漣漪。

欲往鄧尉看梅，向郡城結伴，莫有應者，適有賣花船到，遂以遊資買梅十餘本歸而自賞焉。

擬邀伴侶探梅花，百里爭嫌道路賒。
除幽事故應同調少，誰甘作此冷生涯。

風味空山縱寂寥，何妨澹泊一相遭。
井無人訪南枝去。

驕得梅花分外高

幽尋無伴欲迴舟
忽買寒香載兩頭
梅鬢滿船趺坐處
人言此老太風流

省却遊資買樹栽
栽成又得每年開
此情應被梅花笑
酸在東君不在梅

鴉嘴金鋤手自操
頻翻新土護根牢
笑同白木長鏡柄
雪刷黃精一樣勞

揀取橫斜種水旁
愛他疎影映迴塘
莊嚴那有紅羅幃
付與明流爲洗妝

分種南枝與北枝
向陽開早背陰遲
居然妙奪化工手
暗展看花半月期

曉過高堂趁露華一枝爲插臘瓶斜
寒家奉母無佳物
便當南陔潔白花

采石太白樓和韻

沉香亭下脫鞵行此地曾傳泛月明
明白浪一江銷醉骨
青山萬古屹詩名錦袍當日人爭看
金粟何年世再生
百尺高樓俯空澗爲君長寫氣崢嶸

同秋園步郊外

蒲野青蕪軟似茵芒鞋竹杖兩閒身
天因久雨開新霽
我與繁花共好春半郭半村行樂地
一觴一咏太平人
古來空說田園味不到田園味豈真

出郭尋春記昔年重來陳迹故依然
本無紗護題名壁

聊復囊傾買酒錢爲樂每防兒輩覺稱詩難必後人傳
及時不負風光好此意尋思也可憐

曉仙謠

街鼓三更人語歇露華無聲冷透骨野狐變人形未全
頭戴髑髏學拜月煉成七七四十九脫落皮毛好姿首
黠犬縱識他元身也畏神通不開口金闕寥陽彩雲碧
公然混入群仙籍群仙亦復愧不如紫府清班推首席
身傍璇霄得地高聲欬一聲飛霹靂雙爐前引兩青童
五百鐵額避下風旁人莫笑出非類此亦曾經用苦功

擣散

擣散寧高隱士名幽居心跡喜雙清靜依花氣香邊坐

閒向林陰綠處行
雀雛雞羣工竊食
鴻騎牛背似催耕
眼前何物非新景
不是幽人寫不成

偶入郡城湯茗溪
徐肇璜談恬深家
緘齋招同徐
秋園爲看花之會
排日轟飲漫紀以詩

經年足不入城市
今日偶乘天氣嘉
黃昏發舟擁衾臥
夢回城鼓已五擲
城中親知喜我至
更番治具邀看花
談家芍藥吐爛熳
徐家薔薇開橫斜
湯家杜鵑亦佳品

况有曲部箏琵琶
阿咸雖無花事賞
鯉庭麗藻紛天葩
映川姪孫
出示近作排日開筵
鬪盤格鱗魚
正到江頭樵老饕
饒口

欣大嚼轟醉十日
忘還家自笑生平
負奇氣曾以脫粟
礪齒牙如何忽作
鋪啜計微逐酒食
爲生涯始知壯志

已消落前途無復願望賒林間總是閒歲月作達且趁
鬢未華

後東坡洗硯池歌

東坡洗硯石池舊在吾鄉碩塘橋蔣氏宅余少
時嘗作歌今自黔歸則池已移出城東之

萬壽亭下映以花石竹木爲遊覽勝地蓋因

翠華南幸鄉之人欲借公名蹟邀

睿賞

上特賜玉局風流福額并古詩一章從此坡仙手澤盡
流傳不朽矣乃再作歌以誌盛事

昔年我味洗硯池池在吾常郡城中廿載歸來訪遺蹟

池已移出東門東洗刷，螭涎剔薶蝕托地幸得依。
離宮修篁千个俯寒碧，怪石萬竅映嵌空遂邀。

宸鑿爲題護如玉帶鎮山門，雄遊人汗手不敢濯榮光。
燭天氣吐虹章丹碑留誌遺德魏徵笏在欽高風一泓。
清抵阿耨水犀鳥愛此，眉山翁生前磨竭動得謗人忌。
子瞻作宰相豈知身後遭遇奇，不數金蓮撤御帳政和。
方禁公詩文奎星奏事語，忽聞不惟弛禁且購玩片紙。
價值雙烏銀餘韻流傳到南渡，孝廟臨軒尤慨慕贈以太師官。
其孫御製佳文拂緋素，卽今更閱七百年異代。
又結

聖主緣

翠華到此重手澤

奎章高咏懷名賢頓覺盆池五斗水再湧蘇海萬斛泉
林霏似涵墨氣潤園卉爭助筆花妍乃知文章節義有
真賞其人不朽器亦傳

歸舟口號

閉戶無端發興賒不成作客暫離家但乘舟處常攜酒
偶入城來爲看花傳食笑同門托鉢題詩多愧壁籠紗
歸途忽覺沿堤柳別後濃陰一倍加

人情淳見古風還投轄留嶺意不慳敢逐少年猶跋扈
其欣老子作癡頑疎簾對奕多今雨名酒看花在故山
從此又須推領袖林間來長散仙班

和友人落花詩

綺窻一枕小游仙腸斷穠華過去綠薄命生招風雨妬
多情枉受蝶蜂憐更無一語歸何處再欲相逢動隔年
綠已成陰芳早歇鬢絲愁絕杜樊川

開太艱難落太輕一番來去不分明經年空累儘澆甕
昨夜纔邀客冶儻柳線難將離跡縮綸錢似爲辦裝成
最憐解脫塵緣後尙作拖泥帶水行

羯鼓催開日未西黃陵廟已鷓鴣啼尙餘舊蒂成雞肋
剩有殘香襯馬蹄逐客天涯憐白也美人帳下泣虞兮
縱教數瓣流還見欲問桃源路總迷

樹頭樹尾尙尋春一瞥難追小劫塵昨日原愁十分艷
明年可是再來身因風似作遊魂返帶露如含別淚顰

曾記早時歌緩緩有人陌上度雕輪

芳園蕭索似經秋滿地殘紅爛不收過客也驚停屐齒
小鬟猶誤覓枝頭描來粉絹空神似解到金鈴也淚流
數片不知何處去又因簾洞替他愁

爭妍解語悵難分目斷長天日暮雲啼到子規剛別我
夢爲胡蝶也尋君元都桃憶前回看玉笛梅傷五月聞
爲有去時痕迹在呼童且莫掃苔紋

爲誰開謝本無端莫怪封姨故作難色卽是空原佛說
少無不老想仙丹客猶迴憶風前笑我亦將同霧裏看
分付園丁補籬落另栽修竹報平安

村居

家食猶餘餽粥資春風杖履太平期身經貧賤粗知足
天子清閒遣作詩兩部蛙聲喧鼓吹一爐蜃眼試槍棋
村居也有官場樣說與妻孥轉被嗤

偶成

午牕一枕夢回時藥酒微醺一兩卮閒向綠陰凝立處
人言此老要吟詩

烟霧深林叫子規輕陰幾點雨如絲笑他牧子騎牛背
身在畫中不自知

感事

邛崃關西賊負固征討連年關山路春來聽說將凱旋
何以至今遲露布野老心殷望捷旗咄咄空庭夜獨步

憶昔滇徼從征蠻寶刀帶血紅斑斑高黎貢山一萬丈
短衣匹馬夜往還如今謝病伏田里暗生髀肉成堅頑
挑燈雄心忽飛動廿年身受

君恩重邊疆有事早抽身 國家要此人何用亟賣黃
牛買長劍去斫賊頭大如甕

漫興

俯仰曾無俗累牽始知身是一頑仙村如老杜東西瀼
書有蒙莊內外篇門任婦持使我懶詩無人解向兒傳
三杯醺後渾何事閒逐隣翁掠社錢

寂寥何礙子雲居羅雀門庭自掃除閒挂瘦筇行挂酒
斜安側几卧看書倦還閉目瞳神靜食不據腸氣母虛

漸覺養生方有驗，并休辛苦注蟲魚。

淳朴鄉風少，禮文瓦盆春。酒有餘，豕雞豚聲亂，籬仍別。
榆柳陰連界，不分看戲人。歸談古事，直暄叟坐，述前聞。
眼前便是華胥境，何處還堪。

一甲科名四品官，朝廷已不負儒冠。如何列鼎支千石，翻愛披蓑釣一竿。吏術疎來，臨事拙，俸錢多處報。
思難祇應不素餐。心事或附風人咏，伐檀。

歷宦俄經二十秋，文章事業兩悠悠。我慚沒世無青史，人羨歸田未白頭。安樂窩消閒富貴，率真會占老風流。
如何平昔飛揚氣。

塵心瞥起一漚如，繡佛燈前自懺除。詩不與人爭險韻。

字常倚老作行書蟲廣永叔秋聲冷蝶去莊生曉夢遺
回數生平勞碌處楞嚴讀罷但軒渠

放言九首

人生百年中最畏莫如死劉聰酒色徒豈悟解脫理聞
作遮須王含笑入地底戴逵托隱淪吳中號高士一朝
少微殞求死且不已由來心所貪軀命亦脫屣惜哉用
心悞徒從名利起古有志節人鼎鑊如飴旨彼其奮不
顧亦有甚貪耳所貪在道義千古立人紀孝則

忠則罵賊齒

維人與萬物同生天地內弱肉強之食不知始何代魚
鼈入水求雉兔入山採棗彼百族命供我一尺豕佛氏

嚴戒殺此心固難昧乃自洪荒來相沿竟不廢五雞二
母彘王政所特載祭典用牲牢割及肝腎肺膾細孔不
厭庖遠孟善對將無物養人本天意所在於物何太忍
於人何過愛此理不可問思之動深慨雖慚犧用麩聊
減羊踏菜庶幾節嗜慾畧少我心癡

聞有兜率天皆願生佛土當年舍衛城乞食榜門戶伊
蒲餒罕飽壞色衣不補此亦何足羨而欲與儔伍聞有
蓬萊山皆願謁仙府既絕烟火食又少眷屬聚飢來餐
白石閒極消碁譜此又何足慕而欲希冲舉人得生中
華又免瘖聾瞽兼值承平世弗懼兵革苦托業况爲儒
因之識今古撫已良過幸其樂不可數奈何生妄念先

自障靈宇且廻東海舟莫視西方鼓

吳僧得方竹圓之作珍玩蠢俗殺風景母怪衛公歎何
哉王介甫好醜亦不判方啜龍團茶淬以消風散世間
可惜事僕指豈勝按美女嫁醜夫名花對癡漢佳文覆
醬醜良琴入爍爍抵鵲用玉璞射鳥用金彈

右軍愛籠鷲崔相喜鬪牛梅以林逋高蘭以屈子幽興
會偶然值不覺神與游其人本不朽其事遂千秋如何
好名者徒欲托物留栽成數竿竹自比王子猷種就幾
叢菊又謂淵明儔品茶希陸羽泛舟托日休韻事遞相
續高人遍九州效顰良可笑拾唾亦足羞卒之誰振拔
同歸貉一邱人生可傳處豈在假風流

惠迪從逆凶此以常理訓若在塵劫時未可一概論試
思一代興殺人若屠戮翻藉誅戮慘肇啓昇平運揆以
陰陽理顛倒安可問由來天地間惟氣所摧振當氣有
衰旺何論理逆順李堂偃月深秦閣格天峻悉保祿位
終世謂報施紊豈知得氣厚天亦難下刃吾言偶到此
毋乃近乎忿君子守其常終當安素分

生人與死鬼同此世界內人以夜爲暗鬼以晝爲晦各
自路一條並行不相礙奈何世人愚心自生魑魅目所
不見處輒疑有鬼在人不知識鬼狀鬼豈睹人態有客來
詰余斯言毋乃憤人若不畏鬼益將肆狂悖吾意豈不
然正爲此等輩明明白白中頭上有天戴戴天不畏天

但畏鬼加害此意則已疎舍明求諸昧人自有人道俯仰見覆載

讀書易爲功莫如西漢年適當秦火後世上少簡編讀之既易盡盡之復易傳無論治經家白首一經專當時號博洽相如太史遷究其腹中書能有幾許篇迄今二千載著述口紛然躡如恒河沙浩如大海烟目縱十行下誰能攬其全一笑聊自慰今猶日中天我後千百世卷帙將益填儒生欲津逮愈愁茫無邊迴視我今日又覺厚幸焉

偶遇佳山水謂如畫圖裹及觀好畫圖謂如真山水都將眼前景落想在形似乃知人心幻當境總不美彼山

覺此高到此又慕彼過去轉餘戀未來輒預儼可惜百
年中但爲兩境使何曾有一口踰實安素履我讀爭名
經淨土卽心是空中樓閣虛夢裏婚宦詭與其尻爲輪
毋寧良其趾

自歎

豪宕猶存少日心不知老態已相侵觀書眼漸訛三豕
導氣身將學五禽缸養文魚圓似卵盆栽小竹瘦於針
當時笑是衰遲事誰識親從此境尋

池荷盛開而天旱殊甚感歎作詩

去春始濬池種藕四五節及秋始放花花少未忍折今
年夏苦旱弗暇覓清悅經旬不出門坐怕赤日烈園丁

忽來報滿池。炫紅纈驚喜。出意外。速命一壺挈上奉。白頭親提攜。到子姪。爰循曲池步。亭亭果成列。或吐莠已滿。或含苞未裂。高或衆花上。特出自雄傑。低或葉底藏。半面時漏泄。居然千紅妝。艷我眼光熱。僮奴強解事。潛向溪毛擷。擔頭解懸雞。岸隙搜巨鼈。雖無絲竹賞。庶以快餽餼。却望四野中。農夫汗流血。翻車如渴蛇。欲吸長河竭。已看浜港斷。陽湖亦涸轍。對此心如焚。當食還復噎。得非書生命樂事。必陷缺何當。沛甘霖一救。倒懸切餘瀝。到我池。濯花愈娟潔。

苦旱

黃梅天常年大雨。水沒田。記得兒時赤腳走。漁船直泊。

柴門前胡爲自我歸田後三年已遭旱兩年人言此老
是旱魃帶得灾沴來相煎定知在官少惠澤詎有甘澍
隨車濺先生聞之不敢怒但憂地坼龜兆堅村農踏車
遠羣水修蛇蛻骨斷復連層層築壩似梯級欲捲水從
梯上天可憐長河亦成綫早晚枯盡蝸牛涎綠秧如針
插不得安望顆粒登場圃少時雖貧食指少升斗便可
數命延如今家累且十倍謀生更比貧時艱豈天嗔我
去官早將飢來驅使著鞭中夜撫膺起歎息繁星磊落
方高懸

五月廿八日河水將竭忽得大雨歡聲遍野而作

是詩

正値黃梅後河枯待澤忙人如操券責天果應期償簷
溜粗於柱蛙聲沸似湯翻嫌諸父老連日太倉皇
信有知時雨融泥透幾重天心真可見歲事不終凶已
聽驅秧馬無煩乞土龍莫猶存見少尙覺濕雲濃

六月二日之夜復得小雨而陰雲四布其勢似猶
未止口占待之

一雨羣情散攪陶尙愁河淺不容刀人如賣菜每求益
天肯發棠寧憚勞三百禾困殷望歲十千辦糶待分曹
癡翁却被山妻笑一夕看雲起幾遭

漁塘閒眺

一帶垂楊映綠蕪平池拍拍浴羣鳧地分北苑雲烟畫

身入東坡笠屐圖，叩戶不辭人問字。
開尊偶約客投壺，此生已在羲皇上。
豈屑高陽號酒徒。

送內弟劉可型赴浦縣教諭任

未赴公車召

今秦末
上禮爾

俄聞列選單，人原多道氣。仕恰稱儒

官，尙可燃藜杖。寧嗤上竹竿，一瓊兼宦學。定勿厭清寒，
五十未爲晚。看君髻始華，官閒堪課子。路近便攜家，問
字酬元草。傳經陷絳紗，諸生欣鼓篋。學海得津涯。

此邦多古蹟，千載仰歌風。王霸英靈遠，山河表裏雄。詩
收芒碭氣，文湧呂梁洪。母令彭城上，黃樓賦獨工。

與虞萬峯莊茂良小飲荷池上

池荷花正開，高下百餘朵。娟娟若獻媚，引我清興頗。爰

借素心人盤格攜碎瑣小酌修篁下脫畧半袒裸天亦
助微陰不放日如火杯新吸碧筩酒滿傾白墮所嫌飲
濯滌大戶尙推我一笑語荷花托根惜未妥倘生豪家
園吐艷列繁夥刷藕催行廚採蓮蕩畫舸粉黛妓成圍
履舄賓炙輶亦足壯景色爲汝增婀娜今來依措大毋
乃遭遇左蒼莽故紙包餽餽何禿袖裏窮奢惟烹魚大嚼
但設果西施受唐突辱殺紅顏嬌有客代解嘲未足歎
轍軻幽蘭空谷宜叢桂小山可羊羔酒賞雪終遜吟詩
坐花間如解語冉冉身欲禪

池荷之飲約月山翁失期不至後二日枉過有詩
見投依韻奉答

紅蕖百本綠池攢曾擬高人盡日歡
失約酒應依例罰耐交花未肯盟
殘詩家飲或爲筩吸佛法香宜用鼻
觀却愧主人寒儉甚畧無絲竹暢吹彈

戲咏庭前花草

寒士栽花各責成菊堪釀酒桂調餉
芭蕉如掌閒無事

派管庭前報雨聲

芭蕉

野卉名分菊部頭深藍淺紫亦清幽
桂前荷後無花看

賴女闢縫一段秋

許菊

爲人作墓誌後戲題

屏跡渾如避債臺尙嫌酬應拒還來
碑無裴相酬嫌數畫豈文同要韞材
老去恥供諛墓作賤時多愧嫁衣裁

祇應結習耽文字官罷仍爲老秀才

夜坐

小庭坐到月痕斜顧影心驚赴壑蛇故舊漸如頻剝筍
兒童還似未開花陳編引我求傳世華髮羞人說杖家
挑盡寒燈翻一笑幾人能滿志無涯

題莊奕九壯遊圖

綺裘跨馬氣無前萬疊雲山快著鞭不比寒酸灞橋客
西風驢背聳吟肩

據鞍顧盼自風流肯作鄉闕歎段遊西笑出門君莫訝
書生何必不封侯

陸截熊羆水斫鼉隨行那得有摩訶背嵬馬後僮奴健

意氣居然曳落河

浮踪我亦遍天隅老去田園戢影孤不覺對君傷髀肉
倦遊人看壯遊圖

蔣蓉龕前輩招同肇璜秋園秀筠緘齋爲消暑之

飲卽席口占

門開蔣徑爲留宿砥室香凝絕點塵酣飲恰宜三伏日
清談難得六閒人地非河朔仍名士座少山王爲俗賓
問字祇應吾載酒豈宜翻荷束招頻

京國朋簪樂事多流連文酒每顏酩豈知故里停雲會
還似長安舊雨過君已人推窮塞主我如僧食衆檀那
夜渡踏月慳騰敬此段風流也可歌

閱映川族孫雲溪樂府題贈二首

兩卷新詞喜見投清芬細嗅露蘭幽吾家真有駒千里
時輩徒喧貉一邱麗句丁年無敵手新聲子夜付歌喉
我歸正少聯吟侶何幸潘張不外求

清德尙書澤故長

恭毅公

韋經累葉續青箱百年門第存喬

木一甲科名有瓣香

殿撰裴夢公

射策文看傾武庫倚樓句早

壓詞場家聲望汝光蘭錡吾老惟耽杞菊莊

閱武陽邑誌是門人董東亭庶常所修者

圖誌纔翻淚欲枯編摩出我及門徒修文難返仙遼鶴
續史眞成鬼董狐例起手先搜逸典書成身自殿文儒

修誌垂成而殘同事者以君入文學傳中

獨憐投老楊雄宅寂寞何人載酒壺

溪邊

綠陰深處卽行窩
雨後花前每數過
官體失於穿不借
詩情幻在八無何
蟲懸絲下空無礙
魚唼花來小有波
自笑眼光漸如豆
好收叢碎作清哦

蔣秀筠取其叔祖弱六君勸學詩瘠土正須勤力
補及時自有好花開之句繪爲學圃圖索題爲
書長句於後

謂君勵志在勤讀
寫景惟耽蔣花木
謂君托興在灌園
題幀祖德述累幅
君家百年書澤深
代有文章起相續
門資欲陋十具牛
世業寧藉千頭橘
曹倉穀架蕭巾箱
藝圃焦瑕設版築
古香一瓣開不謝
墨池研山有餘馥

馬塍栽接法獨工郭駝種植習自宿書帶草已入簾青
科名樹復滿庭綠君今加意更培護會見濃華益紛郁
而我披圖早神往不須更爲劬學勗長松陰下一墜腴
親課筋童藝叢菊青窈窕豈攜絲竿白柄鏡非刷黃獨
胸中空洞了無事露出便便老邊腹 翁慣走天涯
此畫乃收林下福身如退將鋤菜閒業比故侯種瓜熟
我看此翁與此畫猶恐神情兩不屬果肯將身入畫一
便是勞生早知足白雲渡口君家屋計日黃花燦盈目
亟須釀酒斃鸞雛待我來看傾十斛

編詩

閒居靜無事編閱生平詩常苦少作多老去漸見疵割

愛心不忍改爲力已疲其有得意處時復一哦之搬藍
鼠何味食蓼蟲偏怡或誤吞釣餌或走觸甕醯羸得妻
孥輩私相笑其癡歐陽昔作文喜共師魯披仲紙一疾
讀其樂不可支坡云七分讀劣句生妍姿我今無此友
將欲索解誰名山傳其人斯語亦自欺人亦未必讀讀
亦吾弗知不如還自賞我我相娛嬉昔我卽伯牙今我
卽鍾期本從性情出仍來養心脾魂尋舊遊夢緒引不
斷絲生平辛苦報消受惟此時

題畫

翠閣俯江開晴波遠櫂來船頭一鶴起先報主人回

秋早被災歲收極歉

皇仁加賑戶慶更生而人多米貴猶恐不支桑梓誼難
坐視敬偕在籍紳士勸分賑卹得錢二萬六千
餘緡約可濟十五萬人將蕝事呈同事諸公

救荒何策活黔婁桑梓聊爲代匱謀爲政久曾慚小惠
去官敢尙說先憂一毛可愛誰甘拔衆口難防已共咻
人事終輸天事好所期新麥滿車籌

慳囊破盡僅壺飧難滿川家老瓦盆爲巧婦炊誰有術
慊他人愧我何恩尙愁餓死填溝壑敢說陰功到子孫
所喜素心俱似水此中或可對人言

送邑候周中峯病假旋里

撫字循聲一載餘何堪旅病憶鄉閭救荒力盡勞誰恤

濟物功成讓不居

君辦用振事最力
事將竣後以病去官

計日故園堪倚杖有人

首路欲攀輿君知父老歌思切忍便幽棲戀草廬

卽景

發帑頻聞至再三歲功雖歉 國恩單賑多錢可青黃

接俗厚丸無赤白探幾見宵人驚吠犬早聞春女喚分
蠶飢羸終免流亾去始信 朝家德澤溥

甌北集卷二十三

起丙申正月
至丁酉六月

陽湖 趙翼 雲崧

門人費芸浦舊爲吾郡守余自黔歸君已丁外艱
將去僅一握手而別今赴京補官枉道過訪留
連信宿詩以贈行

薄俗師生久路塵感君枉過最情親桑麻滿郡思賢守

軒騎臨門艷里人佳茗淡存君子味

時以龍井
茶見餉

舊陪粗諒

腐儒貧赴銓倘再來茲土忍累豬肝餽部民

出處殊途酒一尊直廬重感舊巢痕

余與君先後
入直取機

久衰親髻

宜歸里未報

君恩望及門五袴已聞歌父老一莊敢便托兒孫京華

故友如相問歌咏昇平補素飧

聞心餘銜恤歸里悵然有作却寄

閒居數交游蔣詒我好友京華一錄別君歸我山守跡
同鴻爪散書但魚腹剖前年返江村寂寞歎寡偶開君
客邗上竊幸得聚首君亦遣僕來開函筆如帚約我平
山堂一握開笑口是時宜乘輿屨及室皇走無端意因
循謂近在腋肘早晚舟一葉可到階隄柳因之遂蹉跎
忽忽兩年後今朝郵書至君慘喪母煢煢銜恤歸計
日到江右吁嗟君遂遠不得執手相距兩驛餘村思
十年久良會竟坐失此事實吾人回憶作吏時奔馳氣
何尅動足有萬里囊橐宿春糗遺歸田來贖過雞窠

曼遂令一面慳論交亦太苟君踪况無定詎便卧林藪
剡溪訪恐虛飯顆逢安有此身未死日得復相見否婁
涼聽雨牀蕭索論文酒因風寄遙訊迴遍寸腸九

枕上

枕上得詩愁徂忘披衣起寫殘燈光山妻竊笑老何苦
兒輩讀書無此忙

偶書

文人致青雲初以文爲媒才名日暴著積漸登三台及
夫官旣崇又須談幹濟幹濟乃空談何能立一事其文
亦遂隳久作傲屣棄一朝夜漏盡論定始可憐欲入文
苑內旣無文可傳編之列傳中敷演不成篇所以明眼

人見幾斷於內不能立勲業及早奉身退書有一卷傳亦抵公卿貴

男兒生墮地例須一篇傳吾幸生太平毋煩節烈見庶幾致卿相調元贊鈞衡廣廈庇寒士霖雨活蒼生一官忽出守親身試繁劇從軍無奇功作吏無奇績始知天下事不能任其責知難而亟退歸將文字補白首托一編此意亦良苦

封侯想茅土作相覲劔履貪夫貪富貴務進不知止乃其性所快兼爲才所使使皆爲達人看破夢泡理公卿與將相亦且味如水乃知古達人實則庸人耳不能取世緣聊復了一已吾旣安于庸敢以高自喜

園中卽事

天地有至文花鳥與山水當其生機妙巧書弗能擬亦
必有解人乃不虛此美譬如得佳句孤吟空自喜偶逢
賞音讀清芬益滿紙化工日眼前觸處無非是可憐
雖氓熟視不視此其有才智流又爲名利使倘無我輩
在蕭閒味其旨大塊亦寂寞歎世無知已

納涼

平池荷淨納涼時磅礴消他日影遲童子何知來問字
老親無事愛含飴西瓜腹有紅黃肉南棗身兼赤黑皮
此是田家好清福儘拋歲月逐兒嬉

晚步村落

鎮日書帷校勘勞，出門不覺已秋高。
水枯寒瀨膠魚艇，木落空林露鳥巢。
逝者如斯吾亦老，喟然何歎物相遭。
山妻頗解消憂法，熟釀鸞雉有濁醪。

舟夜

寒戀重衾卧舟行，何處溪孤燈殘夢蝶。
落月滿村雞作客，將衰矣懷人正渺兮。
櫓聲將斷處已到草堂西。

戲咏老少年

野質同藜藿，長依六枳苞。
誰知老逾少，能以葉爲花。
點綴秋容澹，飛騰暮景斜。
由來後凋色，不肯鬪春華。

自是寒能健，休嗚老尙童。
雞皮三少候，鶴頂百年功。
晚照散餘綺，衰顏發醉紅。

蘇詩兒童觀喜朱顏
在一笑那知是醉紅

西風黃葉裏，暗慰

白頭翁

題秋帆開府高秋陟華圖

我聞太華山高五千仞削成四方屹雄鎮地負境秘靈
跡多十丈蓮開露華潤巨靈久劈兩峽破白帝曾鷓百
神覲叔卿博局留古臺玉女洗盆映香髻希夷棗白刺
達青仙之來兮弗轉瞬乃其仄徑號險絕穿中銜中足
難趨天井黥疑入雷行鈎梯危過緣檀進窄逢峭壁擦
耳頻劣到懸崖容趾僅是惟羈單好奇客或肯輕生躡
孤峻可憐昌黎且眩慄痛哭訣家手緘信何況滄溟強
記遊蹤筆祗覺心膽震何哉畫戟來陝東蓬瀛領袖中
丞公是時秋旱秦地赤村巫泥首乞土龍公也爲民虔

請命精誠欲叩帝座通輿夫騶卒盡屏却手挽垂繯升
青穹茲山故是肥蠶宮儼比禿髮魁更雄一朝竄伏不
敢出膚雲觸石布蒲空始知公自有霖雨坐令華嶽作
岱宗斯須懋蒲三農望神功仍飲無言中興來更踏層
椒隄一時賓從皆勝友共到青蓮呼吸處喜雨詩成趣
命酒已同坡老禱礮溪還比羊公登峴首張筵盤格藕
似船題名擘窠字如斗不須更說勤民意此段風流也
不朽憶昔相隨直禁廡探幽每趁扈從餘曾同立馬興
安嶺得句輒欲摩崖書卽今公起作岳牧老我屏跡甘
樵漁升沉敢復想追逐只餘攬勝心未除高秋陟華誰
所圖想見繇竹東山如何當重作陪遊客添我短策倒

騎驢

五十初度

里居荏苒四經春忽作平頭五十人去日已多行歎老
罷官未久敢言貧味餘書卷消磨慣

恩在朝衫檢點頻却愧半生辛苦力祇供成就一間身
菰蒲敢影守湖干爲便親闈問煥寒漫笑鳧眠常傍母
尙防蛙鬧或疑官抱孫繡襪娛春永禮佛香燈炳夜闌
一逕綠雲慈竹好晚風時與報平安

中外班聯廿載叨濫竽曾未報分毫文慚力弱難扛鼎
政喜民淳早賣刀屏跡自因經濟短虛名敢托隱淪高
獨憐瓠落成何用搔首徒驚逼二毛

朋酒茅簷話雨晴朝衫脫後一蒼生漫勞海內誇高尙
要向田間味太平犬足有鵝忘夜吠牛胡無喘健春耕
老農見慣渾閒事誰識都從

帝力成

東髮攻書志決科奔馳榮利髻將皤徒誇謝事歸能早
回數當官愧已多唱第五雲籠棗榜從軍千騎擁瑠戈
而今總作浮漚看付與人間春夢婆

買得漁莊一畝宮闈攜竹杖挂詩筒十園有樹參雲表
四面無隣在水中藤架青開錦步幃檣籬紅作壽屏風
莫嗔老圃殊寒儉綠野平泉遜此工

羅雀門庭冷似冰却便老懶坐槽騰飢來驅我行焉往

詩可窮人去未能笑笑先生同調友
閑閑居士在家僧
故交尙勉期功業慚愧疎慵已不勝

閒翻青史覽窮塵歷歷前聞觸緒頻
一代文章誰作者
古來出處幾完人
雕蟲祇與蠅供飽
畫虎多爲狗寫真
不覺又增身世感摩挲俾肉暗傷神

除却親闈侍藥醫更餘何事足縈思
輸官租稅完常早
祭社牲牢宰不私
妻妾無爭兒互乳
弟兄垂老爨同炊
家風豈敢誇顏柳
或可垂爲子姓規

學佛求仙枉費功
年來漸覺總成空
歐陽但有詩三上
徐邈時於酒一中
材不材間身可老
味無味處句難工
海山拋率俱安在
只合頭銜號長翁

去翁

自郡城歸

一葉扁舟映曉霞柴門將近落帆斜人疑舊雨來尋友
我與春風共到家蓬背白餘殘雪片船頭紅載小梅花
上元節物惟燈事畧與高堂賞歲華

春來

苔沒庭前屐齒痕流鶯喚我趁晴暄久無詩寫荒村景
尙有春來隱者門風動竹梧相揖讓花留蜂蝶作溫存
無人解處留儂賞此是天私處士恩

行園

一里漁塘路芒鞋日往還人嗤黃犢健我比白鷗閒有
屋惟茅屋無山壘土山垂楊皆手植綠已滿前灣

漫興

泥絮風情久不狂如何竿木又逢場
阿難自是無禪定不爲摩登呪力强

誰把姻緣簿錯移落花偏向洞邊吹
千金一笑猶難買何福人間賣餅師

莫訝相看意倍親徐娘也是過時人
白頭詞客青裙婦同感琵琶老下身

燈光花影兩參差有酒如淮酌滿卮
太息相逢吾已老白家正擬放楊枝

張貞女詩

貞女上舍生金蘭女字邑諸生
余清未嫁而清

卒女誓以身殉父母強慰之許令守節乃奔喪
成服撫夫兄之子爲嗣今已二十餘年爰爲作

歌

女未嫁不殉夫先王之禮弗可踰何哉張貞女奔喪矢
區區髻髮爲成服羸負爲立孤母乃轉昧從父義擅以
身許成其愚我思先王制禮但中正有其過之固弗禁
已嫁而守感於情未嫁而守發於性率性卽道道卽天
此語出自古賢聖君不見披葛丐挑柴翁未沾一命偏
効忠豈得議之爲過中卓哉張貞女奇節與古同

戲咏蛛網

蜘蛛爾本微偏具善知識結網挂簷端憑虛求口食初

若營大厦向背審南北爬沙去復來攀緣降又陟扼要
在立網如柱必早植意取佔地高法貴引繩直潛抽乙
乙絲泄自尾闕黑於焉定間架次第功乃卽經先緯斯
後外濶內漸窄界畫羅盤痕圓規渾儀式入扣換廻文
先天圖太極宛宛旋螺紋團團磨牛迹循環無斷緒疎
密有定則勻豈粉線闌巧賽錦機織鰓簾出鬼工儼綃
絕人力當空不成翳映日轉無色用以掩不虞誘物入
徽纒我思寥廓天千步幃難雜區區設罽羅包絡能幾
尺細僅明鏡懸大亦車輪仄奚啻三而開安冀一目得
吞舟會當漏冥飛詎可弋庸知艾而張終資飽胸臆昧
者入吾網失足落茨棘義通釣不綱術用攘非奪譬彼

信天翁取給同壤畫或黏蠓蟻軀或冒蝶蜂翼觸籬瓶
躑躅鑽紙蠅偃塞鷹韝難遠颺馬枚早被勒老蛛顧之
喜朶頤觀其亟危機汝自投弱肉我何慙爰果腹彭亨
不向墻隙匿傲然據中央端坐快偃息咄哉造化竒生
理信難測一物賦一技俾各食其力鵠有隱巢木鶴有
長木石燕能忌戍已蠹能辨時刻避風者鷓鴣禁水者
灘泐鳩鳥爪禹步穴蛇出就殛啄木嘴畫符樹蠹起受
劫由來謀生智固卽性之德獨怪蛛也靈禰重殊太嗇
蒲腹蘊經綸不以供禴禩曷弗滌緒餘致用到服飾衣
被堪及人黼黻更華國老蛛掉頭謝此事非我職不見
吐絲蠶狗人翻自賊聊復私一毛寧須羨九蠶甘在翹

肖中爲楊不爲墨

汪時齋民部書來述去冬十二月十四日

上垂詢

臣

翼再三并問何故在籍飭部查奏吏部以翼

乞假侍母病奏入

報聞

臣

感激之餘恭紀二律

屏跡多年守里門忽傳

天語到江村

帝殷求舊思甄錄臣乃何人荷

記存始覺羣生無棄物祗應一飯不忘

恩棲遲自爲衰親病敢托虛名處士尊

已作空山麋鹿羣從今忍復老耕耘讀書可効惟循吏

知已難逢况

聖君歲晚滄江人釣雪春明 絳闕史書雲終期了却

循陔願頂踵還抒報國殷

夜飲肇璜家

北斗闌干落月孤沉沉夜飲到啼烏涎流車麴原狂客
頭觸屏風笑倦奴禮法豈爲吾輩設酸醎本與俗人殊
明朝街卒應嗔問五鼓猶聞搦陣呼

雜題

蟲爲人所生生卽向人食人亦天之蟲日與天相助豈
惟口體資幾竭造化力黃金鍊汞成白玉剖璞得直使
所儲無處可藏匿問天亦何爲生此衆蠢豳由來化

者機亭毒固不息生之斯養之本屬天之職兒孩乳而哺雛小卵而翼皆行乎自然卽此驗天則天若圖省事不復生兆億但剩空郭廓黯淡亦何色

儒者好闢佛斥爲異端異豈知佛與儒各有其極至東方主生長其聖亦生意立教因人情萬有我皆備飲食與男女所欲咸得遂但隨事設防發情止禮義西方主肅殺其聖亦殺氣立教絕人欲斬斷一切累滯殺貪嗔癡件件須屏棄一念一剗除弗使留餘地儒如枝葉萌佛如鋒刃厲要之掃慾障亦是學問事所以相頡頏二千年不墜

秦皇築長城萬里恢邊牆西起臨洮郡東至遼海旁隋

帝發兵夫開渠自汴梁抵淮達揚子由江達餘杭當其
興大役天下皆疲瘡以之召禍亂不旋踵滅亡豈知易
代後功及萬世長周防鞏區夏利涉通舟航作者雖大
愚貽休實無疆如何千載下徒知詈驕荒

康成居北海黃巾拜其門遠公居廬山問答到虛循固
由素行高能使劇盜馴亦見當時風法網漏織鱗弗以
形跡疑共推德服人使其過黠吏早以通賊論管汝儒
與釋且試吏威伸

選墨貴黑光品茶尙白色欲黑嫌漆白欲白嫌雪黑物
理固有然人情亦安極右軍蘭亭書古今奉軌則當時
隴麋九豈自奚超得盧仝七碗餘清風生羽翼當時建

州製未有龍團式凡物取足用求精轉滋惑陋彼蔡若
謨誇茶矜創闢吾嘉李格非著論破墨癖

古人戒厚葬恐賈發邱害張耆與晏殊同葬陽翟界有
盜宅其間摸金肆無賴初掘張家墳漆室富珠貝滿囊
喜適望畚土爲掩蓋繼穴晏相塚僅一木胎帶欲壑憤
不償棄屍雜塵塋厚葬軀乃全薄葬骨翻碎由來禍患
生每出所慮外

人生有定命趨避安所施設如命應刑誰能逃誅裏要
其所以死則視人自爲或殉忠義亡鼎鑊甘如飴或以
敗檢戮人猶唾其屍同此一頸穴好醜迥不齊死而以
姦慝豈亦命制之願與當塗子反覆味此辭

鳥與破鏡物類中最惡天何爲生之毋乃欠斟酌氣
大無不有固難盡除却惟人亦復然禽跖互參錯弱肉
強之食同類恣吞攫天亦無如何歛手坐穹漠於是生
聖人創制立條約一人又難遍分之綬若若俾各理一
方驅凶撫孱弱是凡百有位職在靖貪虐奈何分職者

貪虐編自序

有明李何學詩唐文必漢中抹千餘年不許世人看毋
怪羣起攻加以妄庸訕宋儒探六經心源契一貫亦掃
千餘年註疏悉屏竄書疑古文僞詩斥小序亂理雖可
默通事豈可懸斷竹垞西河生所以又翻案吾言則已
贅一編聊自玩

屋宇

屋宇無多傍水涯，綠蕉四面入牕紗。
聊栽兒輩科名樹，不種仙家旌節花。
踏葉秋聲高齒屐，碾莎晴跡短轆車。
笑他辛苦竒章石，何事勤搜甲乙誇。

題杭汭朝表弟小照

萬里歸來面有髭，才名早播斗南知。
對君不覺慚吾老，曾見荷衣出拜時。

豪情偏愛理征裘，劍匣琴囊又遠遊。
可念陌頭楊柳色，有人樓上悔封侯。

送汭朝赴粵幕

兩載遊踪共嶺南，又看行色動征驂。
多君刀筆文無害

笑我衣冠懶不堪，橐裏金應歸陸賈樽。前曲可有何哉
粵中舊好如相問，爲道幽棲味久諧。

聞金川奏凱詩以誌喜

露布星馳馬汗珠，敷天凱樂仰

神謨。一窩賊種全俘，日從古王師不到，區絕棧輪蹄停。
輓粟諸番寶賤盡輸租，從看劍閣銘殊烈。笑煞唐家悉
怛誅。

三十年前討伐勤，乞降頗已戢妖氛。訓狐據穴旋爲魅，
杜宇歸山自號君。邊事羣思小老子，

廟謀果起故將軍。終看賊首懸西市，豈屑相如諭蜀文。
岷峨西去上青天，絕險無梯鳥道懸。石堡百人當萬卒，

籐橋一矢接經年轟礮雷火連珠礮掠浪虬梭獨木船
六載攻圍終掃穴可知挾纘士心堅

京西郊勞闕毬場飲至筵前 賜御觴歡動人人歌大
凱權推將將有專長九賓禮備鳴仙樂千古功高縛鬼
章自愧征南曾入幕祇今袖手頌平羌

楊獻章招同肇瓚秋園諸同人近園雅集

門庭不出有邱樊雅集勾留醉酒尊古樹日斜陰漸轉
釣磯坐久石微溫故家餘澤還池館前輩流風到子孫
園爲今祀符
君去厥別業坊曲相連吾亦近可容步履日窺園
余寓察與君家
同在安羅巷

寄蔣南村新疆戍所

驚聞謫戍出陽關萬里黃沙道路艱珠海有家成死別

玉門何日得生還
自烹羊酪餐誰勸
未白烏頭鬢早斑
曾是同官兼世好
相思但有淚頻潸

新疆生聚已多年
樂土傳聞冠九邊
聊比可男簽出塞
且依戍尉策屯田
隨時錦雁音書達
有日金雞赦令宣
絕域異聞先博採
歸來鑿空笑張騫

恭聞

大行皇太后升遐敬製輓詩五章

遺詒傳三殿悲思動萬方人歌

女堯舜福躋世義皇道叶無爲治祥開有德昌敷天荷
慈蔭四十二年長

彤闈崇懿德家法世爭傳清淨師黃老虔誠禮佛天化

行中禁肅訓切外家賢馬邵何堪媿崇徽炳史編
曠古論慈福宮庭遇最優一堂兼

五代四度慶千秋屢見鴻圖擴頻娛燕翼謀從容
仙馭遠一憾不曾留

尊養真兼至吾

皇孝治敦扈游翔鳳輦問寢濯龍門錫類恩膏溥承
歎色笑溫傷心郊苑路難復奉金根

哀音騰薄海比戶淚滂沱共失

慈雲庇空期愛日多晨香勤法懺夜杵輟春歌草土臣
尤切曾登

萬壽科

贈毛今吾文學時下榻草堂課兒輩讀

三十年前兩少年豈期相見各華顛才名曾忝隨王後

舊與君及時景嚴孝
廉有三才子之口

慧業虛叨占謝先一榻敬爲高士下五經

端賴宿儒傳所慚通子頑愚甚難領天龍一指禪

故物青瓊累代餘儒生世業只經畬貧供賓客無加豆
老望兒孫肯讀書風動絳帷翻卷帙雨滋書帶長階除
從看指點津梁近一線南針有捷車

我亦當年老塾師講帷甘苦寸心知誌公授記頻摩頂
匡鼎談詩妙解頤爐火要防金躍冶纜車徐引蘭抽絲
望奢持狹吾言贅一笑諸雛正作癡

放言

一物有不知儒者引爲恥豈知物難格萬彙紛莫紀試
廣支諾臯一一數僂指臯卵旣發祥龍漉乃徵否石沉
有浮磬木浮有沉水蠶孕寒冰中龜活烈火裏羊或種
肉生人或飛頭起豬或牙有佛魚或身作妓蛇何爲兩
頭狐何用九尾蟹奴寄殼居水母借目視按旬蝸口移
應候象膽徙犀角軟貼胸鼠皮堅種齒鷹從嘴出糞兔
向口吐子木偶鬢忽生泥馬汗自泄貍能雄能雌魑不
人不鬼綠蓑化兒啼枸杞作犬吠蕉爲女善媚楓變叟
不死枕椰腹多麵椰實汁成醴樹理字如刻石紋畫如
綺冶葛性殺人山牛食之美巴豆毒戕命飼鼯大如豕
長狄身九畝熊僂三尺止靈椿壽八千朝菌及夕萎餘

隨同穴棲飛走通精髓雀蛤隨時化水陸互軀體齊諧
非盡誣燕說豈徒詭陋儒論理氣經經守故紙謂氣從
理出此究是何理乃知理之外氣尙無窮已茫茫化者
機未可測以咫

浹旬

浹旬不用整冠巾靜領村居氣味真移土樹欣經歲活
早春花自隔年嫩杜陵舊雨無今雨摩詰前身又現身
他日若教青史寫始知 盛世有閒人

顧晴沙觀察由莊涼奏調入蜀辦軍需旣藏事乞
養歸里以所著響泉詩集見貽奉題二首

各因親老早抽身貽我瑤函句有神仕宦肯歸非俗吏

交游難忘是詩人
甘涼曲尙歌循績
黎雅山曾踏戰塵
莫怪挑燈吟未倦
與君心跡較相親

君親兩字總無瑕
杖杜詩成賦黍華
萬里橋歸無蜀錦
二泉亭坐有蒙茶

蒙茶

蟬當身蛻惟餐露蜂爲誰甜尙採

花自是吳儂歎未賣
書窻只覺勝官衙

紫燕

紫燕巢營丈室幽
終朝翔舞太風流
忽然二滴避不及
大笑糞來着佛頭

題楊豆村小照

君自謂夢錢文敏公告以魏野後身因取生
張八熟魏三故事繪女郎於旁故詩戲之

東坡是鄒陽次律是永師
佛家輪迴說其理究可疑
茫茫
茫天地間化育日蕃滋
若祇此人數流轉無已時
將使

大塊力不容有生機太平生齒繁遇亂則漸稀舊時化
去者又將於何依可知去來今立論原無稽君不識前
身乃憑他人知他人識果否又從夢傳之母乃太荒幻
造此一段奇

我思魏仲先高蹈深山空何又不耐靜出交諸鉅公投
詩王文正呼之伴赤松無地起樓臺贈寇語亦工至令
人主知名入明光宮畫其草堂景榮光賁茅蓬旣愛紅
袖拂豈忘碧紗籠母乃充隱徒跡淡心則濃古來沉冥
者多少高飛鴻君其母托此取上僅得中

張八與魏三相遇賓筵局生熟各叅半情絲本未屬君
縱野後身托生到世俗彼豈復相隨爲君侍巾幘胡爲

風情狂繪此顏如玉君自相君面于思皓盈束君多騎
故贊之達
摩本臊胡長孺又老禿卻使嬋娟子侍立纖縠足詩成
促捧硯興至欲滅燭何殊党家姬羊羔酒唱曲

題袁子才小倉山房集

其人與筆兩風流紅粉青山伴白頭作宦不曾逾十載
及身早自定千秋羣兒漫撼蚍蜉樹此老能翻鸚鵡洲
相對不禁慚飯顆杜陵詩句只牢愁

舒卷閒雲在絳霄平生出處亦超超曾遊瀛苑空三島
愛住金陵爲六朝富貴豈如名有味○聰明也要福能消
災梨禍棗知何限此集人間獨不祧

再題小倉山房集

只擬才華艷誰知鍛鍊深殺人無寸鐵惜墨抵兼金古
鬼忽聞泣飛猿不可擒挑燈重相對何許妙明心

門人祝芷堂編修典試闕中旋奉視學陝甘之
命道經常州枉詩投贈依韻以答

苦憶都亭別無緣樽酒論何期龍節使遠問雀羅門贈
編人情厚持衡士習敦旌麾二陝路桃李八閩村官貴
心逾下詩工語不繁君真騁天驥吾已老庭貊客到收
批倦僧從退院尊農租新鶴料宦跡舊熊轡豈有傳衣
囑叨尋飲水源句堪銘陋室駕擬賦高軒郢音難和
韓文道可原扶輪君等事聊同雪中袁

原作

祝德麟

際隔十年久離愁安可論
今朝持使節假道過恩門
立雪情彌切披雲意久敦
遙尋絳紗帳祇在白雲村
薄采陔蘭潔勤培玉樹繁
階應留故鶴庭或少懸貺
出處

九重問詩篇四海尊
可曾添白髮未欲戀朱轡
我亦神仙侶難忘河海源
行遊敬草木入里式車軒
此去慙衡鑒斯文識本原
歐公門下士近亦頗推袁

再寄芷堂二首

纔傳閩嶠妙持衡又擁蜺旌
指渭城視草久高唐內制
論文恰到漢西京禁中才子
微之句年少仙人子晉笙
如此清華誰不羨通門亦覺
有餘榮

一編清課出冰廳

君以所刻館課見貽

早擅千秋著作庭絕艷不須

施粉白高才真覺出藍青搜羅遺逸窮三篋鼓吹休明

本六經笑我已無詞館職賞竒還別短檠

小倉山房集中有咏物九首戲用其韻

鏡

照膽圓光妙寫神江心鑄就淨無塵誰從對面偷描我

忽漫分身作化人藏醜一毫難作假效顰雙黛最傳真

只因老怕看華髮不許移來紫几陳

簾

掛起湘筠蕩日光銀鈎不捲靜縈香玲瓏霧縠三千縷
隱約金釵十二行缺沼斜梳波影皺當窗橫織雨絲長

銷魂最是朦朧處環珮聲流出書堂

牀

不須攤飯且攤書息我勞筋一枕餘鄉有溫柔留夢處
禮無拘束躲人居旅窻聽雨燈殘後繡被熏香月上初
湖海元龍豪氣減敢誇百尺迥凌虛

燈

一穗銀缸小作聲空堂無喜也相驚爲人嘗盡寒窻味
有女曾分夜績明舞字伶工千隊整修書學士兩條清
老來忍便拋墻角炳燭餘光尙有情

扇

一握輕紈雅製工能延新爽畫堂空漫愁捐棄隨秋後

自有清涼解熱中，隔影紅粧姑女面前。身明月鏡好宮
溪翁愛向荷亭坐，別領田田萬葉風。

尺

累黍曾煩定樂官，短長到手不能賖。文將才士評量易，
衣恐佳人穩稱難。高髻樣爭傳繡閣，剪刀聲共響雕闌。
頗疑宋玉誇隣女，分寸從何比較看。

杖

蹇劣平生愧逐羣，一枝藤助草鞋勤。青山獨往誰同伴，
白首相依剩此君。住與畫叉閒倚壁，行隨蠟屐緩拖雲。
居然勃率翁稱健，踏葉歸來日未曛。

帳

羊羔酒客未全非製就銷金翡翠幃
深暗從添春夢穩
周遮似怕夜頭飛
中餘幻蝶常留宿
外有羣蚊欲合圍
滿紙梅花自清絕
漫驚十里紫絲歸

香

何處清芬透露華
機叅鼻觀本禪家
佛仙可接先通氣
蜂蝶無端便覓花
名士百斤非重物
師門一瓣有餘嗟
山齋自愛焚修課
不羨金猊噴似霞

龍北集卷二十三終

卷三

三